



Fforwm Mynediad
Lleol Sir Fynwy –
Adroddiad
Blynyddol 18/19



monmouthshire
sir fynwy

Cynnwys

Rheoli Fersiynau.....	3
Rhagair y Cadeirydd	4
Adroddiad yr Ysgrifennydd	4
Adolygiad o'r Flwyddyn.....	5
Y Gwaith a Wnaed yn 2017/18	6
Blaenraglen Waith	6
Rôl y Fforwm	7
Cysylltiadau	8
Atodiad 1: Aelodaeth y Fforwm.....	9
Atodiad 2: Blaenraglen Waith.....	10

Rheoli Fersiynau

Teitl	Adroddiad Blynyddol Fforwm Mynediad Lleol Sir Fynwy
Pwrpas	Adroddiad Blynyddol 18/19
Perchennog	Fforwm Mynediad Lleol
Wedi ei gymeradwyo gan	FfMLI 10 Gorffennaf 2019
Dyddiad	020719
Rhif y Fersiwn	1.0
Statws	Terfynol

Wedi ei gyhoeddi yn unol gyda Rheoliad 16 o'r Rheoliadau Mynediad i Gefn Gwlad (Fforymau Mynediad Lleol) (Cymru) 2001 gan yr Awdurdod Penodi, Cyngor Sir Fynwy, ar ran Fforwm Mynediad Lleol Sir Fynwy.

Rhagair y Cadeirydd

Mae'r Adroddiad hwn yn ymdrin ag ail flwyddyn y Fforwm cyfredol i'r 25ain Ionawr 2019.

Myfi yw'r Cadeirydd etholedig a fy Nirprwy yw Irene Brookes. Ein Hysgrifennydd yw Matthew Lewis, Rheolwr Seilwaith Gwyrdd a Chefn Gwlad, ac mae Ruth Rourke, Swyddog Mynediad at Gefn Gwlad, Paul Keeble, Peiriannydd Grŵp ar gyfer Rheoli Priffyrdd a Llifogydd ac Alan Clarke, Ysgrifennydd y Cofnodion, yn mynychu'r cyfarfodydd.

Mae manylion ein llwyth gwaith ar gyfer y flwyddyn wedi eu manylu yn yr Adolygiad isod. Rydym wedi treulio amser sylweddol eleni yn dadlau ac yn cynnig sylwadau ar amryw o faterion gan gynnwys adolygu'r Cynllun Gwella Hawliau Tramwy a'r ymateb i bapur ymgynghori Llywodraeth Cymru. Rwyf i ac Irene hefyd wedi gweithio'n agos gyda'r Cynrychiolydd Cenedlaethol ar ran FfMLI Cymru sydd yn mynychu'r cyfarfod ar gyfer Cadeiryddion Cenedlaethol a'r Gynhadledd FfMLI Genedlaethol.

Rwyf wir yn gwerthfawrogi'r cyfraniad gan aelodau sydd yn meddu ar ystod eang o wybodaeth a phrofiad.

Anne Underwood

Adroddiad yr Ysgrifennydd

Mae'r adroddiad hwn yn dynodi cwblhau ail flwyddyn y FfMLI cyfredol ers y cyfarfod cyntaf ar 25ain Ionawr 2017. Mae'r fforwm wedi parhau i weithredu o dan y trothwy gofynnol. Fodd bynnag, roedd cyfarfod y fforwm ym mis Tachwedd yn rhan o weithdy poblogaidd iawn ar y Cynllun Gwella Hawliau Tramwy a materion perthnasol.

Mae'r dull ffurfiol sydd wedi ei fabwysiadu o ran agendau, adroddiadau a chyfarfodydd y FfMLI, wedi parhau eleni ac wedi bod yn llwyddiannus wrth ffocysu gweithgareddau'r FfMLI. Fodd bynnag, mae pwysau gwaith o fewn yr awdurdod penodi yn golygu bod y FfMLI ond wedi dod ynghyd ar ddau achlysur eleni.

Yn ystod y flwyddyn ddiwethaf, roedd y fforwm wedi cwrdd ar 20 Chwefror 2018 yn Nhrefynwy a'r 21 Tachwedd 2018 hefyd yn Nhrefynwy.

Mae aelodau'r FfMLI yn parhau i wneud cyfraniad at ddatrys a datblygu materion a pholisïau sydd yn ymwneud â chael mynediad at gefn gwlad yn Sir Fynwy.

Rydym yn ddiolchgar iawn am eu mewnbwn gwirfoddol ac am y profiad a'r cyngor y maent yn cynnig a'u hymroddiad at waith y fforwm.

Matthew Lewis, Ysgrifennydd

Adolygiad o'r Flwyddyn

Dyma rai o'r materion lle y mae'r FfMLI wedi ei hysbysu neu wedi ei ymgynghori:-

1. Adolygiad o'r RoWIP

Mae'r fforwm wedi ystyried yr Adolygiad RoWIP yn Chwefror er mwyn adolygu asesiad o'r modd y caiff yr ROWIP cyfredol ei gyflenwi fel bod modd ystyried materion sydd yn deillio o asesiad ac ymgynghoriad yr RoWIP, gan gynnwys Adroddiad Asesiad o Gyflwr y Rhwydwaith a Chyfleoedd Cynllun Gwella Hawliau Tramwy Cyhoeddus 2017/18 a'r Asesiad Anabledd ac Iechyd Awyr Agored (a rannwyd yn flaenorol).

Roedd nifer wedi mynychu'r gweithdy ac wedi ystyried y canlynol:

- a) Canlyniadau Llesiant a Blaenoriaethau'r Gwasanaeth
- b) I ba raddau y mae hawliau tramwy cyhoeddus yn diwallu anghenion presennol y cyhoedd a'r rhai ar gyfer y dyfodol y cyhoedd
- c) Blaenoriaethau Gorfodi
- d) Blaenoriaethu y pontydd newydd
- e) Materion eraill neu unrhyw bryderon sydd wedi codi.

Mae canlyniadau'r gweithdy yn helpu llywio penderfyniad ffurfiol y Cyngor i fwrw ymlaen ag adolygiad o'r ROWIP. Byddant hefyd yn llywio'r drafft ymgynghorol ac unrhyw bolisiau perthnasol sydd angen eu datblygu.

Bydd yr adolygiad o'r RoWIP yn debygol o barhau yn brif ffocws ar gyfer gwaith y FfMLI ar gyfer y flwyddyn sydd i ddod. Bydd Ysgrifennydd y FfMLI yn sicrhau bod y FfMLI yn cael ei briffio a'i gynnwys yn briodol.

2. Blaenoriaethu

Mae'r fforwm wedi adolygu'r dull cyfredol wrth flaenoriaethu ceisiadau ar gyfer Gorchmynion Addasu Mapiau Diffiniol, a'r broses gyfreithiol ar gyfer diwygio'r Map Diffiniol a'r Datganiad.

3. Ymgynghoriadau

Nid oes ymgynghoriadau sylweddol wedi eu cynnal yn ystod y cyfnod hwn.

4. Prosiectau a chyllid

Rydym wedi derbyn diweddariadau ar yr opsiynau ar gyfer model cyflenwi newydd ar gyfer darparu Gwasanaethau Twristiaeth, Hamdden, Diwylliannol ac Ieuenctid yn y dyfodol, gan gynnwys gwasanaethau cefn gwlad, mynediad at gefn gwlad a hawliau tramwy cyhoeddus.

Rydym wedi derbyn diweddariad ar Brosiect Rheoli Seilwaith Gwyrdd a Llifogydd Naturiol Dalgylchoedd Dyffryn Gwy Isaf, sef prosiect ar y cyd rhwng CSF a AHNE Dyffryn Gwy ac sydd yn cael ei gefnogi gan Gyfoeth Naturiol Cymru.

Y Gwaith a Wnaed yn 2018/19

Rhif	Eitem	Ar y Cynllun Drafft neu Ychwanegol	Pan gwblhawyd y gwaith
	Aelodaeth		
1.			
	Adolygiad o'r Cynllun Gwella Hawliau Tramwy		
2	Asesu'r ROWIP cyfredol	Ydy	20 Chwef 2018
	Sesiwn Gweithdy – materion sydd yn deillio o'r asesiad o'r ROWIP ac ymgynghoriadau	Ydy	15 Tach 2018
	Blaenoriaethu ceisiadau ar gyfer Gorchmynion Addasu Mapiau Diffiniol	Ydy	15 Tach 2018
	Ymgynghoriadau		
3.			
	Prosiectau Arbennig		
4.	Model cyflenwi newydd ar gyfer darparu Gwasanaethau Twristiaeth, Hamdden, Diwylliannol ac Ieuentid	Ydy	20 Chwef 2018;
	Prosiect Rheoli Seilwaith Gwyrdd a Llifogydd Naturiol Dalgylchoedd Dyffryn Gwy Isaf	Ydy	20 Chwef 2018

Blaenraglen waith

Mae blaenraglen waith y fforwm ar gyfer 2019/20 yn bennaf yn ymwneud gyda pharhau i roi cyngor ar yr Adolygiad o'r Cynllun Gwella Hawliau Tramwy a fydd cael ei ddatblygu yn ystod y flwyddyn ac ymateb fel sydd yn briodol i unrhyw ymgynghoriadau sydd yn cael eu cyhoeddi. Mae'n parhau fel y mae wedi ei gymeradwyo gan y FfMLI ar 7 Medi 2017 (gweler isod).

Rôl y Fforwm

Mae Deddf Cefn Gwlad a Hawliau Tramwy 2000 yn rhoi dyletswydd ar awdurdodau lleol a Pharciau Cenedlaethol, i sefydlu Fforymau Mynediad Lleol. Mae'r fforymau yma yn cynghori Cyfoeth Naturiol Cymru, awdurdodau lleol ac awdurdodau'r Parciau Cenedlaethol ar ffyrdd i wella mynediad lleol.

Pwrpas statudol y FfMLI yw rhoi cyngor ar wella mynediad i'r cyhoedd at dir yn yr awyr agored, a hynny at ddibenion gweithgareddau hamdden a mwynhau'r awyr agored. Rhaid i'r FfMLI ystyried yr anghenion o ran rheoli'r tir, harddwch naturiol, ffawna, fflora a nodweddion daearegol a ffisiograffig.

Rhaid i'r cyrff canlynol roi ystyriaeth i unrhyw gyngor sydd yn cael ei roi gan y FfMLI: awdurdod y Parc Cenedlaethol, awdurdod priffyrdd, Cyfoeth Naturiol Cymru, Llywodraeth Cymru, ac ar gyfer unrhyw faterion sydd yn ymwneud gydag amddiffyn neu ddiogelwch, yr Ysgrifennydd Gwladol.

Rhaid i'r fforwm daro cydbwysedd rhwng:

- Y sawl sydd yn defnyddio'r tir a hawliau tramwy cyhoeddus lleol; a
- Tirfeddianwyr a'r sawl sydd yn meddiannu'r tir a'n berchen ar dir sydd â hawliau tramwy.

Bydd pobl sydd â diddordebau eraill sydd yn berthnasol i'r maes hwn hefyd yn cael eu cynrychioli.

Mae'r Rheoliadau yn manylu y dylid cael rhwng 12 a 22 aelod, gan gynnwys y Cadeirydd a'r Dirprwy. At hyn, mae'r Cadeirydd yn medru gwahodd unigolion a mudiadau eraill i arsylwi a rhoi cyngor.

Mae Aelodau yn cael eu hapwyntio gan yr Awdurdod Penodi, yr Awdurdod Priffyrdd neu Awdurdod y Parc Cenedlaethol. Cyngor Sir Fynwy yw'r Awdurdod Penodi ar gyfer FfMLI Sir Fynwy sydd yn gyfrifol am ardal weinyddol Sir Fynwy y tu allan i ffiniau Parc Cenedlaethol y Bannau Brycheiniog. Mae'n cynnwys Ardal o Harddwch Naturiol Eithriadol Dyffryn Gwy o fewn y sir.

O fewn yr ardal, mae yna Dir Cyffredin a 1657 Cilomedr o Hawliau Tramwy Cyhoeddus cofrestredig. Mae yna ddarn sylweddol o Heolydd Di-ddosbarth Sirol, sydd yn gyfrifoldeb i'r Adran Briffyrdd, gyda nifer ohonynt heb wyneb.

Mae Cyngor Sir Fynwy ac Awdurdod Parc Cenedlaethol Bannau Brycheiniog yn meddu ar Gytundeb Cyfrifoldeb Dirprwyedig sydd yn ymdrin â'r rhan fwyaf o agweddau ar gyfer rheoli'r Hawliau Tramwy Cyhoeddus o fewn y Parc Cenedlaethol.

Cysylltiadau

Ysgrifennydd FfMLI Sir Fynwy

Matthew Lewis
Rheolwr Seilwaith Gwyrdd a Chefn Gwlad
Twristiaeth, Hamdden, Diwylliant ac Ieuenctid
Cyngor Sir Fynwy
Blwch SP 106
Cil-y-coed
NP26 9AN

Ffôn: 01633 644855

E-bost: countryside@monmouthshire.gov.uk

Mae agendau, adroddiadau a chofnodion y FfMLI ar gael fel rhan o galendr cyfarfodydd y Cyngor dan y dyddiadau priodol <http://www.monmouthshire.gov.uk/home/local-democracy-and-councillors/council-meetings>. Os nad ydynt ar gael, cysylltwch gyda'r Ysgrifennydd.

Atodiad 1: Aelodaeth y Fforwm

Aelodaeth tan ddiwedd cyfnod y fforwm presennol (25 Ionawr 2020)

ENW	DIDDORDEBAU
Irene BROOKE (Dirprwy Gadeirydd)	Ffermwr sydd â diddordebau busnes a thwristiaeth lleol. Rwy'n gerddwr brwdfrydig yn Sir Fynwy ac ardaloedd eraill y DU. Rwy'n cerdded cŵn, marchogaeth a thynnu lluniau. Fflora a ffawna Dyffryn Angiddy. Yn aelod o'r CLA, NFU a Grŵp Dolydd Sir Fynwy.
Anthea FAIREY	Cadeirydd Ffrindiau Castell Meadows, Y Fenni, sydd yn gweithio gyda Chyngor Sir Fynwy er mwyn annog pawb i gael mynediad i'r Dolydd ac annog grwpiau ac unigolion i gymryd rhan yn y gwaith o wella a gofalu am y cynefin unigryw hwn
Sheila HAMPSHIRE	Rwyf yn frwdfrydig wrth hyrwyddo mynediad diogel a chyfrifol i gerddwyr, y sawl sydd yn marchogaeth a lle bo'n briodol, yr unigolion ar feiciau, ac rwyf yn rhoi ystyriaeth i fuddiannau pawb. Rwyf yn adnabod yr ardal leol gan fy mod wedi byw yma am 40 mlynedd ac wedi mwynhau cerdded a marchogaeth fy hun, ac mae gen i ddiddordeb brwd hefyd yng ngofynion y bywyd gwyllt.
Gwyneth JONES	Fel archwiliwr (er yn agos at adref), mae gen i ddiddordeb mewn arwyddion a gwybodaeth, ynghyd â gwerthfawrogiad o'r gwaith sydd yn creu hyn oll. Mae fy nghysylltiadau teuluol a diddordebau busnes yn rhoi ychydig o ddealltwriaeth i mi o'r pleserau a'r rhwystredigaethau a ddaw o yrru beiciau modur oddi ar yr heolydd; sef treialon, 'enduro', 'motocross', ayyb. ac mae caniatáu mynediad i'r math yma o weithgareddau yn aml yn achosi heriau.
Philip MUNDELL	Rwyf wedi bod yn wirfoddolwr gydag adran Cefn Gwlad Cyngor Sir Fynwy am y naw mlynedd ddiwethaf. Rwyf yn falch iawn o chwarae rhan yn y cynllun Fit4Life ac yn rhan o'r tîm a sefydlodd timau'r Fenni a Chas-gwent. Rwyf wedi cytuno i ymgymryd â'r rôl, Swyddog Gofalu am Lwybrau, gyda 'Chepstow Walkers are Welcome'.
David SMITH	Ers ymddeol, rwyf wedi bod yn wirfoddolwr hawliau tramwy cyhoeddus gyda gwasanaethau cefn gwlad Sir Fynwy. Mae hyn wedi cynnwys atgyweirio a chynnal a chadw hawliau tramwy cyhoeddus, ynghyd â chynnal arolygon o'r llwybrau o dro i dro. Rwy'n arwain rhaglen teithiau cerdded tywysedig Sir Fynwy ac yn helpu gyda gweithgareddau fel "Nosweithiau Gwyfynod ac Ystlumod".
Mark STOREY	Trigolyn lleol sydd yn byw yn AHNE Dyffryn Gwy. Yn gerddwr, seiclwr a'n ddringwr (aelod o'r BMC). Yn lled-gyfarwydd gyda materion hawliau tramwy cyhoeddus ac ychydig o ddealltwriaeth o'r Ddeddf CROW.
Anne UNDERWOOD (Cadeirydd)	Yn marchogaeth am y rhan fwyaf o'm mywyd, rwyf yn gwirfoddoli gyda Chymdeithas Ceffylau Prydain er mwyn hyrwyddo a gwella'r ddarpariaeth mynediad i'r sawl sydd yn marchogaeth. Yn hoff iawn o gerdded ac archwilio cefn gwlad. Hanes lleol, hyrwyddo iechyd ac ioga.
Ann WEBB	Cynghorydd ar gyfer Tyndyrn. Wedi ei hapwyntio fel cynrychiolydd y Cyngor Sir.

At hyn, mae Sylvia Fowles wedi bod yn sylwedydd cyson ers Gorffennaf 2017.

Atodiad 2: Blaenraglen Waith

Fel sydd wedi ei gymeradwyo gan y FfMLI newydd ar 7fed Medi 2017

Eitem	Cefndir	Trefniadau Adrodd
Eitemau Safonol:		
Mesurau Perfformiad	Mesurau Perfformiad Cynllun Gwella Gwasanaeth CSF o ran materion CAMS (pob mater a'r materion Blaenoriaeth Uchel) Ar gael yn chwarterol	Adroddiad cyson i'r FfMLI
Cyllid	Cynnydd a'r cyfleoedd ar gyfer rhaglenni prosiect mynediad gefn gwlad a ariennir yn allanol a gan gyfalaf CSF	Adroddiad cyson i'r FfMLI
Ymgynghoriadau	Ymgynghoriadau FfMLI Adroddiad i'r FfMLI 7 Medi - Papur Gwyn Llywodraeth Cymru a ROWIP Swydd Henffordd	Adroddiad i'r FfMLI fel sydd angen
Grwpiau Gwaith:		
I'w bennu		Adroddiad i'r FfMLI fel sydd angen
Eitemau Rhaglen Waith		
Hyfforddiant	I'w benderfynu gan y FfMLI newydd	
Papur Gwyrdd – Rhaglen Deddfwriaeth	Ymateb i'r ymgynghoriad ar Bapur Gwyn Llywodraeth Cymru ar Reoli Adnoddau Naturiol yn Gynaliadwy a	Adroddiad FfMLI 7 Medi 2017
Creu'r Adroddiad Blynyddol	Adroddiad Blynyddol 2016 wedi ei gymeradwyo gan yr hen FfMLI Bydd Adroddiad Blynyddol 2017/18 yn ymdrin â'r cyfnod Ion 2017 – Ion 2018	Adroddiad FfMLI Ionawr 2018
Cynllun Adolygu Gwella Hawliau Tramwy	Adroddiad ar yr ymgynghoriad cychwynnol a'r camau nesaf; diweddariad pellach, asesiadau ac adroddiadau ymgynghori	FfMLI 22 Mai 2017 a chyfarfodydd dilynol
Cynllun Gofal Mon Lane	Angen adroddiad mwy diweddar / ymweliad â'r safle	Adroddiad FfMLI / ymweliad â'r safle
System Flaenoriaethu	Blaenoriaethu tasgau a Blaenoriaethu'r Gorchymyn Addasu Map Diffiniol	Adroddiad i'r FfMLI
M4 Newydd	Ymchwiliad cyhoeddus yn dechrau ar 28 Chwefror 2017. Ymchwiliad nawr wedi ei oedi ac yn ail-gychwyn ar 19 Medi 2017	Fel sydd angen

<i>Model Cyflenwi Amgen i wasanaethau CSF</i>	<i>Wedi ei adrodd i'r FfMLI 22 Mai 2017 a nawr yn aros am benderfyniad gan Gyngor Sir Fynwy ynglŷn a'r opsiwn a ffefrir</i>	<i>Fel sydd angen</i>
<i>Cofnodion a Cheisiadau Priffyrdd</i>	<i>Diweddariad ar ddatblygu polisi</i>	<i>Adrodd i'r FfMLI</i>
<i>Gwirfoddoli</i>	<i>Diweddariad o'r safbwynt</i>	<i>Adrodd i'r FfMLI</i>
<i>Cyfoeth Naturiol Cymru</i>	<i>Fel sydd angen</i>	<i>Adrodd i'r FfMLI</i>
<i>Teithio Llesol</i>	<i>Diweddariad o'r safbwynt</i>	<i>Adrodd i'r FfMLI</i>
<i>Cynnyrch a Gwefannau Cerdded</i>	<i>Diweddariad o'r safbwynt</i>	<i>Adrodd i'r FfMLI</i>
